



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Declaratio Præcipuorum Patrum & Professorum Provinciæ Flandro Belgicæ
Ord. Erem. S. P. Aug. [et]c.

urn:nbn:de:hbz:466:1-39351

PRÆMONITIO.

Ut ne quemquam fugiat, Romano-Catholice Lector, non tantum hujusce operis Conditorem, sed etiam universam Provinciam Augustino-Belgicam perperam à malevolis in suspicionem Jansenismi fuisse traductam; iuvat vindicias Augustini contrà Jansenianos Augustistianæ Scholæ Apologeticâ contestatione seu declaratione, quæ & Alpes transfiliit, coronare. Itaque subditur quæ facta est Anno 1704. dum res postulabat.

DECLARATIO.

*Præcipuorum Patrum, & Professorum Provinciæ Flandro-Belgicæ Ord. Erem. S. P.
Augustini, edita 1704. contrà
rumores falsò de se sparsos.*

Qui Erudiendis aliis, in doctrinâ præsertim Sacrâ; operam ex officiô publicè injunctô impendunt, sic eligere debent bonam vitam, ut bonam non negligant famam; sed juxtâ Apostoli monitum prouideant bona, non solùm coram Deo, sed etiam coram hominibus. Hinc, cum ad notitiam infrâ Scriptorum devenierit, quorundam Malevolorum, vel certè imperitorum Sermonibus divulgari, Patres Provinciæ præfatae, spretis S. S. D. D. Romanorum Pontificum Censuris, ac Decretis, quibus condemnarunt quinque articulos occasionie Libri Cornelij Jansenij Episcopi quondam Irenensis, cui titulus *Augustinus*, eosdem articulos, vel

vel aliquos saltem ; aut aliquem eorum docere , ac sustinere , vel iisdem illis Censuris , & Decretis se non sufficienter subjicere : volentes huic rumor calumnioso sensim crebrescenti obviare , veritatemque universis scire cupientibus manifestare , infra Scripti euldem Provinciæ Patres præsenti hòc Manifesto declarant , & testantur rūmorem istum omnino fallum , & calumniosum esse , nec Scholam Augustinianam de iis articulis , aut controversiam movisse , aut Censuris , & Decretis illis obstitisse , aut contradixisse : sed contrà semper reverenter suscepisse , articulosque per istas Censuras , & Decreta proscriptos pro damnatis habuisse , nec eorum quemquam docere , vel docuisse ,

Quod , ut magis universis declarationem hanc legentibus pateat , & appareat , dicti Patres ad efficacius repellendam injuriosam istam invidiam.

Declarant. Quod inhærentes Declarationibus , & Definitionibus Capituli Generalis anni 1681. 24. Junij sub Reverendmo. P. Dominico Valvaforio ejusdem Ordinis tum Generalis unanimiter in omnibus sequantur , & tueantur inconcussum doctrinam S. S. Parentis Augustini , præferrim in materiâ de nostrâ Gratuitâ Electione , ac Prædestinatione in Christo , etiam ad Gloriam independenter à prævisione nostrorum meritorum : nec non de gratiâ Christi per se Efficaci , quâ Deus operatur in nobis velle , & perficere .

2. Quod parati sint rejicere , & damnare , & sincerò animo rejiciant , & damnent quinque Propositiones in Jansenio damnatas ; & propugnant Doctrinam illis Propositionibus è diametru oppositam .

3. Amplectentes duo Brevia subsequentia Innocentij XII. felicis recordationis , parati sunt subscribere , & reapse subscribunt formulæ Alexandrinæ infra-Scriptæ .

Primum Breve , quod Innocentius XII. scripsit Episcopis Belgij , datum fuit 6. Februarij 1694. in quô , Constitutionibus Innocentij X. , & Alexandri VII. confirmatis , habenter sequentia : *Præcipimus , ut quemadmodum*

modum ii , qui ad juramentum adigendi sunt , istud præstare debent sincerè , absque ullâ distinctione , restrictione , seu expositione , damnando eas Propositiones ex libro Jansenij excerptas in sensu obviò , quem ipsa-met Propositionum verba præ se ferunt , prout sensum illum damnarunt summi Pontifices . Prædecessores nostri , damnatumque haberi voluerunt à Christi Fidelibus ; ità per Fraternitates vestras ab iis , qui formulario præscripto subscriptent , ac juramentum præstabunt , præter formulam istam traditam , verbaque in Constitutione Apostolica præcripta , quidquid aliud vel minimum declarationis , interpretationis aut explicationis , verbò , vel Scriptò non exigatur , etiam sub pretextu , quod additiones ad nos transmissæ comprehendantur , seu contineantur in Formulariò Alexandri VII . Cæterum ad præcavendum omnes dissidiorum causas , quæ Christianam pacem dilacerant , Nos quoscumque alios sensus Formularij præter eum , quem ipsius verba exhibent , afferri , vel usurpari , aut de his disputari interdiximus , & prohibuimus , ac super ejusdem Formularij interpretatione , sicut & prædictarum Propositionum in alios sensus præter eum , quem ipsa verba per se exhibent , perpetuum silentium imposuimus , ut ex nostris Decretis tam super ipso silentio , quam super prohibitione omnium librorum editorum , & edendorum in hac materia pleniùs innotescet denum injungimus , ne ullâ ratione , quemquam vagâ istâ accusatione & invidiosò nomine Jansenismi traduci , aut nuncupari sinatis , nisi prius suspectum esse legitimè constiterit , aliquam ex his propositionibus docuisse , aut tenuisse , nec quemquam sub hoc pretextu repellî ab officiis , munib⁹ , beneficiis , gradibus , ac concionibus babendis , vel aliâ qualcumque functione Ecclesiastica permittaris , nisi servatō juris ordine , eam pœnam , quæ viris alioquin Catholicis gravissima sit , communiſſe probatum fuerit .

Breve autem secundum misit dictus Innocentius XII . iisdem Epilcopis 24. Novembris 1696. quod sic sonat : Litteras quas 19. Julij , ad Nos dedistis , libenti animo accepimus , cum in illis vestras ad hanc S. Sedem preces intellexerimus , quibus nostrum judicium pro fana doctrinâ

nâ vestris in Dicēsibus regulandâ postularis. Ex iisdem autem litteris aperte deprehendimus mala, quæ quoad Jansenismum exponitis, non procedere ex eō, quod Brevis à Nobis 6. Februarij Anni 1694. ad vos datō, satis ipsis non sit consultum: sed potius quia idem Breve executioni fortasse, ut par esset, non mandetur: cum illud nullā prorsū indigeat explicatione: Aptumque sit, ut in ipso prescripta adimpleantur, efficax, atquè opportunum afferre remedium. Quod si prætensi Jansenista internè, & absque eō quod deveniant ad ullum actum externum, dum jurant Formularium, non aliter damnent quinque Propositiones, quam in sensu obviō, non habitō respectu obvij sensus dicti Formularij, suōque arbitriō effingant ejusmodi sensum obvium, Ecclesia non judicat de occulis, quæ soli Deo, cordium Scrutatori, innotescunt. Sin verò iisdem prætensi Jansenista voce, aut Scriptis edant proprios sensus Apostolicarum Constitutionum, prædictique Brevi sensui dissentaneos; debent Episcopi, prout de jure, contrà eos procedere, non tantum autoritate ordinaria, sed etiam speciali facultate ipsis indulta à Constitutionibus Prædecessorum nostrorum fel. record. Innocentii X., & Alexandri VII., quas Nos quoque confirmavimus, ita ut servatis servandis, congruè puniantur, cum ea omnia facile probari possint, quia agitur de actibus externis.

Non sīdē admiratione intelleximus nonnullos istis in Dicēsibus reperiri, qui verbis, & calamō ausi fuerint affirmare, supra-dictō Nostrō Brevis alteratam, seu reformatam esse Constitutionem Alexandri VII. 16. Octobris 1656., Editam, nec non Formularium ab ipso-met pronuntiatum, cum dictō Brevis utrumque specificè confirmetur, & omnino intenderimus, & intendamus iisdem adhærere, & nequaquam sinere, ut aliiquid addatur vel dematur à prædictō Formulariō, illud quōvis modō alterando in aliquā ejus minimā parte, sed quod in omnibus, & singulis ejus partibus uti mandavimus, mandamus etiam ad amissim observari.

Formulare verò Alexandri VII. hoc est:
Ego N. Constitutioni Apostolice Innocentij X. datae
dice